

Iroun Beretitenti Henry B. Eyring

Moan ni Kauntira n te Moan Beretitentii



Man aki Toki n Ururingnga

Ko kona ni katamneia ma ngai te burabeti Moronaai korean ana kabanea n taeka iaon Ana Boki Moomon iaon bwatua aika koora? Bon ti ngaia. E a tia n noora bwakaia ana baronga, ana aomata, ao ana utu. Iaon te aba “e bon waaki iai te tiritiri ao kawawaean te raraa ae reiti nako” n te buaka (Moomon 8:8). Ma iai ana onimaki, bwa e a tia n noori ara bong aikai! Ao man bwaa ni kabane ake e kona ni korei, e kaoira bwa ti na *uringngi* (taraa Moronaai 10:3).

Beretitenti Spencer W. Kimball (1895–1985) e tatangiria n reirei te taeka ae moan te kakaawaki n te rikitinare are *uringnga*. Ibukina bwa ti a tia ni karaoi berita aika a tabu ma te Atua, e taku, “tibwangara ae korakora bwa ti na uringii.”¹

Ko kona ni kunea te taeka *uringnga* rinanon nako koroboki aika a tabu. Ngke e kauringiia tarina Nibwaai, n tainako e kaoia bwa a na uringa ana taeka te Uea ao n uringa aron te Atua ni kamaiuiia aia batkitib (taraa 1 Nibwaai 15:11, 25; 17:40).

N ana taeka ni kabo, te Uea Beniamina e kabonganaa te taeka ae *uringnga* itiua te tai. E kantaningaia bwa ana aomata a na ururinga “korakoran te Atua . . . ma raoiroina ma aki kakai unna nakoia (Motiaeae 4:11; taraa naba 2:41; 4:28, 30; 5:11–12).

Ngke e anga te toa te Tia Kamaiu, E kaoia ana Abotoro bwa a ana butimwaea te toa ni kanikinaean “Kanuringan” Ana Anganano (Ruka 22:19). N te tataro n toa ao ngkoe ao Ngai, I ongo, te taeka *n tainako* ni moanaki ma te taeka *uringnga* (taraa R&B 20:77, 79).

Au rongorongo bon te kakao, ao bon te bubuti, n *uringnga*. Aikai teniua kaotango iaon bwaa ake ko kona n uringii ngkai ko kana te toa ni katoa wiiki ni kanikinaean

te toa ae tabu. Au kantaninga bwa a ibuobuoki nakoimi, n aroia ngkai a tia ni buokai.

Ururinga Iesu Kristo.

Te moan, uringa te Tia Kamaiu Uringnga bwa antai ngaiā ngke E mena iaon te aba, arona n taetae nakoia tabeman, ao arona ni kaota te aroi n ana mwakuri. Uringnga bwa antai are e kabanea ana tai mangaia ao tera are E anga reirei iaona. E “nakonako ni karaoa ae raoiroi” (Mwakuri 10:38). E kawariia aoraki. E ongotaeka nakon ana kantaninga Tamana.

Riki, ti kona n uringnga te anganano ae korakora are e karaoia, ibukin Ana tangira ibukira, ni kanakoa memean ara bure. Ngkai ti uringnga, nanora ni kan iriiria e na riki-rake. Ti na tangiria n aroi riki, ni kakabwara bure riki, ao n tangiria n ukoukora ana kantaninga te Atua ni karaoi.

Uringng Te Bwai ae Ko Riai ni Karaoi ni Katamaroa Riki

E kaangaanga ae ti na iangoa te Tia Kamaiu—Arona n itiaki ao ni kororaoi—n aki naba iangoa arora ni kairua ao n aki kororaoi ni kabotauara. Ti a tia ni karaoa te berita ae tabu bwa ti na ongotaeka nakon Ana tua, ma ti aki toki ni kabwaka man te kainibaire ae rietata aei. Ma te Tia Kamaiu e ataia bwa aei ae e na kona n riki, ae ngaia anne bukina are E angananiira te otenanti n te toa.

Iai aron moan karaoan te toa n te O Tetemanti are e kakaraoaki n te bao ni karea, are e na kaota ae bure iai (taraa Nakoia Ibonga 5:5). Ti aki manga angakarea irouia maan, ma ti kona n anganako ara bure. Ni koroboki aika a tabu e arana te anganano aei bwa “te nano ae uruaki ma te tamnei ae raraoma” (3 Nibwaai 9:20). Nakomai nakon

te toa ma te rairannano (taraa R&B 59:12; Moronaai 6:2). Ngkai ko karaoa aei, ko na karekea kabwaraan am bure a ko na aki tionako man te kawai n oki nakon te Atua.

Urunga te Rikirake ae Ko Karaoaia

Ngkai ko kamwataua aron maium n tain te otenanti n te toa, au kantaninga bwa am iango aki ti boboto iaon bwaai ake ko a tia ni karaoa aika a kairua ma bwaai naba ake ko a tia ni karaoi aika eti—taai ake ko a tia n namakina iai Tamam are i Karawa ao te Tia Kamaiu ngke a kukurei iroum. Ko kona naba n anaa tabeua te tai n tain te toa ni butiia te Atua bwa e na buokiko n noori bwaai aikai. Ngkana ko karaoa anne, I berita nakoim bwa iai te bwai a ko na namakinna. Ko na namakina te kantaninga.

Ngkana I a tia ni karaoa aei, te Tamnei e na kamatoa nakoii bwa ngkai I teimotoa n raroa man te kororaoi, ma I a nakoraoi riki nakon are ngkoananoa. Ao aio are e na anganai te raunnao bwa, ibukin te Tia Kamaiu, I kona n tamaraa riki nakon te ingabong.

Ntainerako bon te tai ae abwabwaki, ao e kabwarabwara ae mwaiti iaon te mwakuri ae teimotoa. Ko ataia man te bwai are ko rinanona matoatoan aron iangoana n teimotoa iaon te bwai teuana ni katoa tai. Ma n aki taraia bwa teimotoara ngkoe ni kawakina am berita n ururingng, E ururingngko naba n tainako.

Te Tia Kamaiu e atai am kaangaanga. E ataa aron matoan te maiu ni kona n rawawata iaom. E ataa ngkana ko kainnanoa te kakabwaia n te tai ae waekoa are e roko n tainako man ururingana ao n ongotaeka Nakoina—“bwa [ko] kona n *tainerako* ni karekea Tamneina [iroum]” (R&B 20:77; e kairaki katuruturuana).

Ngaia are, E butimwaiko n oki nakon taiboran te toa ni katoa wiiki, teuana riki te tai n anganiko am tai ni kakoaua imatana bwa kona ururingna n tainako.

BWAII AIKA A NA TARAAKI

1. Spencer W. Kimball, “Circles of Exaltation” (address to Church Educational System religious educators, Tuun 28, 1968), 5.

REIREI MAN TE RONGORONGO AEI

E kona ni matoatoa te maiu ao e na kaangaanga nakoira bwa ti na ururinga ara Tia Kamaiu lesu Kristo. E ngae n anne, te toa, e karekea te tai ae onoti ni katoa wiiki are ti na kona iai n iangoa Maiuna ao ana reirei. Ma naake ko kawariaa ni mweengaia, iangoia bwa ko na kanga ni kabonganai taai ni kainabwaabu n te tai aei, ao maroroakina arom ni kona ni karikirakea arom ni iangoa te Tia Kamaiu. Ko na kanga ni kabonganai

taai aikai n iangoa te bwai are ko kona ni katamaroa i bon iroum? Tera kakaawakin ururingan te rikirake are ko karaoaia ni katoa wiiki?

KAIRAKE

Teniua Bwaai aika Ko na Ururingii

Te taeka *uringnga* e mwaiti kaotina n ana Boki Moomon. Nibwaai e kaungaia tarina bwa a na uringna aron te Atua n tia ni kamaiuia aia batatibus. Te Uea Beniamina e tuangiia ana aomata bwa a na uringnga korakoran te Atua. Ao Moronaai e tuangiia ana taan wareware bwa a na uringna aron ana nanoanga te Uea.

Ururingan te Tia Kamaiu e kakaawaki—ti berita naba bwa ti na Ururingna n tainako ni katoa te tai are ti kana iai te toa. Beretitenti Eyring e kaoira bwa ti na ururingii bwaai aika teniuia aikai n tain te toa.

- 1. Ururinga lesu Kristo:** Wareki koroboki aika a tabu n rongorongan te Tia Kamaiu ni beku ao ni kaota ana tangira nakoia tabeman. Ko kanga n namakina Ana tangira? Ko kanga ni beku ao ni kaota am tangira nakoia tabeman n aron are e karaoaia te Tia Kamaiu?
- 2. Ururinga te bwai ae ko riai ni katamaroa riki:** langoa kanoan te wiiki ae nako ma te rairannano. Rinea teuana te bwai ae ko kona ni bitia, ao koreia bwa ko na kanga ni katamaroa. Katuka am kouru n te tabo ae ko kona n nooria iai n tainako.
- 3. Ururinga te rikirake are ko karaoaia:** Butiia te Atua bwa e na buokiko n noora tamaroan te rikirake are ko karaoaia. Koreia aron am namakin.

Ti aki kororaoi, ma te Tia Kamaiu e ataa anne. Anne bukina e tuangiira bwa ti na ururingna. Ururingana e anganiira te kantaninga ao e buokiira bwa ti na tangiria n rikirake. Riki n taai ake ti kabwaka iai n uringnga, Beretitenti Eyring e taku, “E ururingngko n tainako.”

“Uringnga are e a tia n nanoanga te Uea” (Moronaai 10:3).

ATAEI

Ururinga lesu

Koroboki aika a tabu e reirei bwa ti riai n ururinga n *tainerako* lesu Kristo. Are nanona bwa ti riai n iangoia n *tainerako* ao ni kakairi n Ana banna ni katoto!

Katuka tamnein lesu n te tabo are ko na nonoria iai.

“Ao ngkana kam aki toki n uringai ao e na memena Tamneiu iroumi” (3 Nibwaai 18:7).



Kataia ni kinaia Neienne ao Ana Utu.

Te reirei ni kakawari bon te roko ni kinaia ao n tangiriia aine n tatabemaniia nako bwa ko aonga ni kona ni buokiia ni kakorakora aia onimaki ao n anga te ibuobuoki.

Onimaki, Utu, Buoka

Rita Jeppeson ao ana tia reirei ni kakawari a tia n riki bwa rao ni koaua ngkai a kakawari ao n tibwa reirein te euangkerio. Ma rokoia e raonaki naba ma te takakaro n taeka ni bootaki. E riki bwa te bwai ae tatangiria Rita irouia ana tia reirei ni kakawari ibukina bwa e atia bwa bon rao ao rorokoia tiaki ti ibukin “kaetakin” araia ana aomata ni kaotia bwa e a tia ni karaoaki. A rang ni mwaiti bwaai aika a kona ni karaoi n tain aia kakawari, n aron te kaai n nakonako ke ni kouteuteu n te onaroka ngkai a takakaro ataei.

Unimwane Jeffrey R. Holland man te Kooram n Abotoro n te Tengaun ma Uoman e taku, “Taraia bwa kam na riki bwa ana aomata te Uea nakoia Natina. . . . Ti kantangiaga . . . bwa ko na katea te kakairi ae koaua, ni kaineti ma taekan te euangkerio nakon kukureia kain te aro, tarakiia ao tabeakinaia n

tatabemaniia n te aro n nanoanga, ni mwakuriia kainnanoia n tamnei ao n rabwata n aron te tamaroa n angana ake a kona n ibuobuoki.”¹

Te Uea rinanon Moote e tua ngiia tibun Iterarera bwa “te iruwa are e maeka ma ngkoe e riai n riki bwa raomi ni bungiaki, ao kam na tangiria n ai aron tangirakimi i bon iroumi” (Nakoia Ibonga 19:34).

Aine ake ti kawariia ngkai ara beku, ma ngkai ti kina neiei ma ana utu ma ngkai ko nakon te reirei ni kakawari nanora e na rikirake ni katite- uanaaki, bwa aonga ni beebete;” ao “n tauraoi ni katoka i aomi rawawa- taia raomi, bwa aonga ni beebete” (Motiaeia 18:8, 21).

Reyna I. Aburto, te Kauoman ni Kauntira n te Bootaki n aine n te Beretitentii ni Kabuta, e uring- nga ngke e moan raure ao n riki bwa kain te Ekaretia ae boou. “A roko ni mweengau au taan reirei

ni kakawari,” e taku, “ao a uota te namakin n tangiraki ao te tangira inanou.”²

langoa Aio

Inanon aia utu aine ake ko kawariia n reireiniia, baikara bwaai ake a na karaoaki ake ko riai n atai ao n ururing?

BWAAI AIKA A NA TARAAKI

- Jeffrey R. Holland, “Safety for the Soul,” *Riaona*, Nobembwa 2016, 62.
- Reyna I. Aburto, “Tera Bonganian te Bootaki n Aine Ibuki?” Brigham Young University Women’s Conference, Meei 5, 2017, LDS.org.

Ibuobuoki

Ngkai ti kona ni kinaia ao n tangiriia aine n tatabemaniia nako ake ti kawariia n reireiniia ma aia utu, ti na karekea te ungannano i bon iroura n ataa arora ni kaekai kainnano n tamnei ao n rabwata.